



10506

空同詩鈔卷十三

明北郡李夢陽撰

錢唐桑調九編



五言律

乙酉上元上方寺

地愛僧林僻人邀燈節游
綠塋朝借馬收路晚登舟
春水鳶鷺滿夕陽鐘磬幽
相留待明月簫鼓在中流

丁亥立秋

火多常病熱殘暑特相欺
今日涼風至颯然林竹披
聞雞每起早省稼獨歸遲
天地蕭條意何須一葉知

森老直朴嘉州少陵兼而有之

空同詩鈔卷十二

一

中秋亭會

老去真躑月更深且醉遊
影沾如畏露光冷是分秋
蛩故吟清酒蟾應笑白頭
恒星藏不見坐待彩波流

己丑五日

往歲沾宮扇含香拜玉墀
只今飄白髮刈麥向東菑
樹樹鳴螬日家家望雨時
萬方多難意誰達聖明知

懷君傷老具足二十字極可念

乙丑逢先大夫誕辰是歲適蒙恩詔加贈製字四

十用寫哀痛

冬季十二日

老大思童日詩庭儼昔趨
羈孤萬里外優渥死生俱寂

莫臨花誥幽冥列大夫西雲白蒼莽灑血望松梧

兄以西堂落成蓋悵然有念於二親余心交痛頌
義追德爰成茲詠焉

矯矯江都相淒涼楚穆生家貧無立業道大不求名破
甌常蛛網空除任鳥行肯堂兄不忝應慰九原情

讀直道陳公祚遺事

上主能容直當言敢顧身累朝傳諫劄萬死作歸人古
廟禮花晚孤墳勁草春從來汨沒士特筆在詞臣

哭張子二首

張子者平谷張子禴也以都御史鎮遼東顯矣然無何
卒李子者張之舊僚也聞之哀焉於是作哭張子二章
語曰歲在龍蛇賢人嗟張之卒庚辰歲也

空同詩鈔卷十三

二

虎豹威邊日龍蛇哭爾年故人今若此吾道合潸然部
曲歸旌擁風雲舊國連薊門秋草徧何處是新阡
翰海龍真泣遼陽鶴竟歸壯心元鐵石神爽尙旌旂光
繞新埋劍香殘舊賜衣至今生仲達猶怯孔明威

聞鄭生死豐沛舟中二首

短劍英雄氣孤舟疾病身那知生別後竟作死歸人汁
柳詩筒斷江花纒幔新白頭交誼者灑淚向殘春

客櫬收豐沛歸舟渺越吳扶持有令弟書劍付遺孤墓

草親朋隔山松舊業蕪當年走馬地魂繞孝王都

附曹嘉同

賦二首太初仙逝早少谷噴遊深詎謂方山客同隨
秋草陰野雲飄素幔寒日下空林重念羣芳歇臨風
涕滿襟已返河梁棹難招楚澤魂何人收旅櫬有客
酌清樽浦月沈帆影山花沒屐痕梁園舊遊地風色

自黃昏

客散

尊傾客自散而我卧空林五月涼風至孤村細雨陰竹

蘿垂野逕花草澹幽襟夢醒聞暈唱依稀楚鳳吟

宗子相曰

豈一味
雄快

遊兵

聞道新開口遊兵未解圍只須殊死戰莫放隻輪歸漢

空同詩鈔卷十三

三

月已自滿林烏常夜飛早將書插羽天子日宵衣

省中春暮

禁漏烟花北分曹御苑西高林落日盡幽院集鴉齊豈

貴浮生趣常便靜者棲坐憐春事晚庭草日萋萋

旅夜

百卉已蕭索哀蛩胡未休寒天清渭樹落月故鄉樓古

人猶涕淚吾意豈公侯嚶嚶南去雁漂泊向何州

除架

炎時忻密葉寒至怨多陰自是衰榮理非關愛惡心伐

條近陽月開牖散秋禽但能存碩果無用歎蕭森

朱宁臣曰

不墮理障
老筆蒼深

詠史二首

霸王雄圖並淒涼，世徑分鯨鯢。赴巨壑，鷹隼失高雲。難折朱雲檻，休嗟袁紹軍。當時干帝紀，一一動星文。漢末忠良顯，英名李杜齊。伏機翻自中，倒柄爲誰攜。碧海鯨鯢鬪，蒼林虎兕啼。南州徐孺子，何事獨棲棲。

望極

望極雲天黑，關門落葉深。古城飢雀啞，長路斷蓬沈。嫠婦登樓思，孤臣去國心。此時看故壘，何處不沾襟。

定居

空同詩鈔卷十三

四

故業秦山北，新居梁苑西。平生一邱壑，何處竟安棲。元豹終隨霧，神龍或困泥。向來登眺夢，常繞杜陵溪。

歸沐

歸沐謝人事，愴然悲俗情。陰陽爭歲色，江海蓄春聲。自委青雲懶，那教白髮生。君看少年者，驅馬盡飛纓。盧玉巖曰

領聯斂拔山超海之力
於五字中剴盡囂浮

春日大梁東郭

桃柳晴沙晚，悵然悲遠春。葉明深坐鳥，花劇轉愁人。少小追懽地，乾坤放逐臣。已看共如此，何惜醉遊頻。

登臨

屏迹良吾性逢辰每壯心
花含向日霧柳變隔年陰
行坐自芳草依棲還舊林
高樓出迴絕無日不登臨

早春繁臺

泯泯春猶早行行賞不違
柳黃沙際見草色雪中歸
積水生雲氣孤城下夕暉
誰禁臺寺望北雁又將飛

早春南郊

正月郊南路獨行吟早春
冰霜猶在眼柳色暗隨人
直道元通蔡層山故蔽秦
浪遊今短髮凝望欲沾巾

下吏

卯治辛酉坐榆河驛倉糧
乙丑坐劾壽寧侯正德戊辰

空同詩鈔卷十三

五

坐劾劉瑾等封事

十年三下吏此度更沾衣
梁獄書難上秦庭哭未歸
圍

牆花白發鎖館燕還飛
況屬炎蒸積憂來不可揮

沈辭立曰

吾嘗謂先生不當僅以詩人目之此豈尋章摘句老雕蟲所辦

獄夜雷電暴雨

一雨暮何急孤眠宵未央
疾雷翻暗壁落電轉空梁
勢極千山動光還萬里長
天威終不測魑魅可潛藏

調元日中

心辨惻惻念靈修壯氣自薄霄漢

南征

暑行心日煩孤馬背中原
地勢吞淮泗山形包鄧樊
沿

途官柳接吟葉麥秋繁赤日蒸雲夢科頭思故園

野戰

盜賊乾坤滿縱橫野戰悲隨城巖戍鼓平地有旌旗樹
燕閑相逐垣花寂自垂諸君大河北捷報幾時知

徐括庵曰

下杜陵憂時之淚氣實同出一孔昧乎論世以爲撫仿

野泊

遠電明江夜官舟野泊稀山鐘天外落林火雨中微水
立黃龍鬪沙雪白鷺飢平生萬里志柰可夢西歸

舟中病感

寒望舟中遠鄉心病後多萬山通越水孤棹雜吳歌霜

空同詩鈔卷十三

六

已丹楓甚吾如白髮何倦遊常藥物歸思繞關河

安仁聞夜哭

縹緲因風訴哀哀何處音聲隨落月斷聽入過雲深轉
戰增新鬼誅求損衆心懸軍今更急寒滿碧山岑

徐汭風阻雨雪

南雪竟爲雨北風增野寒漏船喧夜語攤濕攪晨餐轉
苦人烟絕生憎鷗鷺乾吾行尙濡滯估舶爾應難

廬山冬至聞雷

小至匡南雨空江此夜雷仄憂羣蟄震急恐萬山摧盜
賊時事苦陰陽歸思催征鴻莫遽起擬爾北同迴

南康聞還山之報

傅元非侮世陶令合辭官客路青陽遍歸心白髮寬江
城消雪送春雁倚舟看自此茫茫去都門昨掛冠

茅渠
眉日

極似
襄陽

七夕宜城野泊逢立秋

漢江天上水牛女世間宵自動鼉鼉影誰傳烏鵲橋孤
城古塞月一葉楚門潮君看西流火分明奪斗杓

撥悶單園

秦客楚山北秋園古堞西野風吟萬木禾徑卧孤麇江
漢歸舟迴關河落日低可留吾便醉爲愛白銅鞮

空同詩鈔卷十三

七

野風

山鳴野風至漢水白蕭蕭月滉魚龍醒雲蒸豺虎驕有
家驚節物不寐想前朝萬古英雄跡江城夜寂寥

繁臺歸集

萬里竟何事三年違此都短墻殘菊在別業古臺孤冬
日低簷塔霜風靜野蕪但看頭盡白莫愜酒重沽

早春赴鮑相之飲

憐汝一尊酒要予千古臺年從碧草換暖向玉杯來海
日連波動江鴻帶雪迴衆賓無遽起吾醉欲徘徊

宿江氏莊

黃昏水鶴叫沙頭人跡稀天清看月近野濶帶星微客
語喧莊犬風燈靜夜扉持醪空自哂出郭每忘歸

景亭北日

意境超迥
語入靜機

春日余莊感舊

名園多感激繼至轉芳菲節恨清明逼人憐故舊稀暖
烟低野淨雲日度花微莫漫愁春賞吾今已拂衣

早起莊上

爲農起常早每與雞鳴期露重花偏得林深鳥自遲飛
星當面過落月向人隨玉珮金門外遙憐待漏時

莊上晚歸

空同詩鈔卷十三

八

萬動各有息吾亦念吾棲鴉翅昏猶接花蹊曲欲迷草
堂烟火外稚子竹林西白笑忙何事還家每宿雞

新秋夜興

微風入枕簟林卧仰看星露氣秋元白天光霽益青草
蟲攢暗壁螢火閃疎櫺那解蕭森節都從一葉零

汪津夫曰

澄懷不滓
有此佳句

深秋獨夜

獨夕偏聞雁悠悠寢復興林堂下微月風色暗疎燈遲
暮心難已悲涼氣轉增憂來理琴瑟腸斷舊朱繩

宗子相曰

心魂淡寂可以
揖讓松際清光

河上秋興七首

古有蒹葭客吾今水一方茅齋寒淅淅洲渚鬱蒼蒼獵
騎捎河雁歸人競野航霜高木葉下莫擬是瀟湘

坐送登臨日晴空鳥路長秋雲不近苑官樹自成行河
洛來天地人烟接渺茫采蘭空澤裏彼美在何鄉

調元日此

亦有婉如清揚
之致足兼大復

後代看今代今人卽古人空傳歌舞地不見綺羅春宋
嶽饒寒草梁臺起暮塵蒼茫白鷺渚瀟灑類閑身

白馬瓠子口秋風汾上歌帝鄉不可見千載白雲多樹

動江帆至霜前寒雁過滄洲無盡極慷慨有漁叟

朱子齋曰

空同詩鈔卷十三

九

下動字
極有致

十載梁宋間雞鳴望四關月來天似水雲起樹爲山朝
市今何處流波去不還高秋未歸客腸斷濁涇灣

一爲梁地客忽及授衣天野靜寒烟白沙鳴暮雨懸飛
龍過絕浦立馬看長川望望蘋花盡鷗行若箇邊

積雨催搖落江村菊自秋驚風振大壑失雁下寒流暗
水斜穿竹孤雲晚抱樓虞卿足簡帙白首傲公侯

閉居寡營忽憶關塞之游遂成二首

牢落居庸道蒼茫六載還開軒延漢使對酒話燕山鳥

道增新戍天梯護上關白城烟火切鎖鑰未應閑

西崦千家落防秋五百兵山長元入塞澗曲故穿營靜
夜聞熊鬪黃昏報虎行昔時炊歷覽三駐白洋城

夏夜

閣幔霑初霽雲姿淡夕扃涼蟾輝遠樹昏塹下流螢久
靜通幽理沈思損性靈昔人渾未達白首著元經

熊子河西使回

是時甘軍殺
都御史許銘

偶遇西河使真傳塞上情一春常凍雪千里半荒城未
斷匈奴臂猶勤哈密征重聞帳下變無語對沾纓

汴城東樓夏登

身世吾垂老中原此上樓陰陽真去鳥天地本虛舟王

空同詩鈔卷十三

十

屋千峰伏長河一線流晴沙暮浩浩羨爾自行鷗

田園雨燕客過

車馬人來地田園雨後心顏垣疎柳卧漏屋野花侵稼
穡悲生事琴樽伴苦吟自無農圃學不敢怨商霖

春宴

老爲春憐酒闕將客問花檻楊晴故雪階藥晚能霞地
與歌鶯轉人爭舞燕斜但來須共醉莫使負韶華

章杜
天日

硬盤

帖發

東園偶題

孤亭萬木裏獨坐一花飛老更知春色閒能到夕暉微

風偏嫋蔓返照故熏衣隔院香逾好呼兒莫掩扉

暑夜

微月通簾閣疎星下檻塘樹陰交進濕水氣暗生涼歲

月一陰長乾坤雙鬢蒼北牕聊復爾敢謂上羲皇

調元曰幽

冷沁人肌骨

風

鈴閣晚猶急月牕宵漸輝稍驅雲霧散翻重雪霜威起
坐爐須擁晨看木盡稀徘徊問氣勢恐逼漢宮闈

春夜雪

獨客初春夜孤城急雪時戰風纔白地欺月已平池數

空同詩鈔卷十三

十一

聽鴻飛亂虛愁花發遲世無戴安道誰見剡舟移

春雪時帝在宣府

鴉鳴曉雨至零亂忽成花著地融難白隨風弱易斜色
應疑燕雀寒恐滯龍蛇塞路今休擁春風返翠華

鸚鵡

鸚鵡吾鄉物何時來此方綠衣經雪短紅嘴歷年長學
語疑矜媚垂頭知自傷他年吾倘遂歸爾隴山陽

詠部鶴

寄跡含香舍淹情嘉樹林長鳴如有訴狎俗到如今不
染風塵色常存霄漢心會應王子晉接爾向嵩岑

詠鶯

嫋嫋花絮亂交交黃鳥歸慙慙度碧葉迴轉惜金衣不
向艷陽語似傷儔侶稀王孫多彈射莫羨上林飛

衝雁

可怪鄱湖雁昏飛獨自羣乍翻還近舸忽起盡隨雲浦
濶看宜小山長去不分祇疑南下盡猶阻北書聞

襄中見雁

秋風羣雁過萬里順歸毛搖落已如此雲霄空自高盈
盈拂楚塞冉冉影湖濤定出邊烽裏哀鳴嗟爾勞

菊

空同詩鈔卷十三

三

日麗秋霜白天清野菊黃亦知甘隱逸偏得近壺觴屢
折元因醉斜簪一任狂乾坤傳舍耳節賞莫思鄉

鐵塔

鐵塔峙城隅川平愈覺孤登天盤內磴落日影東湖風
裊垂簷鐸雲棲覆頂珠何年藏舍利光彩射虛無

詠庭中菊

亦隨羣草出能後百花榮氣爲凌秋健香緣飲露清細
開疑避世獨立每含情可道蓬蒿地東籬萬代名

小燕

小燕羣騰壘朝游夕每歸踏枝搖復穩疑路止還飛日

月銷黃口風雲長黑衣吾家廬室隘好向玉樓依

章杜天曰

三四得小燕體格性情

小雀

黃口青條上翩翩索哺頻解飛猶趁母真性不疑人列

鼎看苴待空城彈射巡野田禾黍徧何處不宜身

章杜天曰

不惟體物細緻亦見雛性盡露天真

小鷓

簷際翻翻鳥將雛啣啣行攪眼真懊惱傳喜不分明化
印何年就填河幾日平徒然盛生息羣噪每能晴

白雁

空同詩鈔卷十三

三

八月白雁至中宵聞爾哀亦知先伴起無爲報霜來月
靜飛難見雲深去不回故園消息斷愁病轉相催

金山

歷險仍攀閣窮高更指臺一身銀漢上四望鏡波開吳

楚地形伏江淮秋氣來暮潮益滾滾風葉下崔嵬

調元曰此

詩從鄧潘本錄入三首選一其箋云金山詩三首是先生晚年過吳時作其格律嚴整可謂克壯其猶他

人稍放逸便失故步益格此老爲不可及吳楚地形

結龍專頌洞遊亦渾灑三章忘險卑崇構貪奇健病

身尤生劖而此章雄健生動語意有餘祗存此已足

所謂晚年不放逸極善論空同且極善論古今作者

語甚有關係足矻老而類唐者公登岱詩日抱扶桑

躍天橫碍石來宗子相稱之謂有芥視岱宗斗量滄

海之致其語意恢奇排橫誠凌跨一切若金山次章

頸聯來字韻闕警言心歷餘于
其聲價詎減於登此句哉

空同詩鈔卷十三

十四

空同詩鈔卷十三終

七世孫斌暨男辛耀刊

空同詩鈔卷十四

明北郡李夢陽撰

錢唐桑調元編

七言律

赴郊觀宿

城邊水色靜春茅苑外鶯啼拂露梢萬戶烟花臨複道
九天宮殿鎖南郊霓旌夜發清溪繞彩仗晨飛碧樹交
身到釣天渾不解坐聞仙樂下雲旂

景亭北日空同以
雄勁羈詞壇却能

淵靜
迺爾

桂殿

桂殿芝房曙色通垂垂苑柳綠烟中桑乾斜映千門月

空同詩鈔卷十四

一

碣石長吹萬里風已有金吾嚴御陌遙傳玉輅下齋宮
侍臣鵠立松陰裏時倚紅雲望碧空

謁陵

本朝陵墓傍居庸聞說先皇駐六龍一自玉輿回朔漠
遂令金殿鑲秋峰明禋袞職雖多預備物祠官豈盡供
報祀獨知今上切每於霜露見愁容

秋懷八首

龍池放舶他年事坐對南山憶往時紫閣峰如欺太白
昆吾山自繞皇陂雙洲菡萏秋堪落亂水蒹葭晚更悲
谷口子真今得否攀雲騎馬任吾之

慶陽亦是先王地城對東山不啻墳白豹塞頭惟皎月
野狐川北盡黃雲天清障塞收禾黍日落谿山散馬羣
回首可憐擊鼓急幾時重起郭將軍

宗子相曰凄肅
老健洗盡艷裝

宣宗玉殿空山裏野寺霜黃鎖碧梧不見虎賁移大內
尙聞龍舸戲西湖芙蓉斷絕秋江冷環珮淒涼夜月孤

辛苦調羹二相國十年垂拱一愁無

宗子相曰
收得深遠

苑西遼后洗粧樓檻外芳湖靜不流亂世君臣那在眼
異時松柏自深愁雕闌玉柱留天女錦石秋花隱御舟
萬古中華還此地我皇親爲掃神州

胡人本意慕華風將校和戎反劇戎遂使至尊臨便殿

空同詩鈔卷十四

二

坐憂兵甲不還宮調和幸賴惟三老閱實今看有數公
聞道健兒今戰死暮雲羌笛滿雲中

周西穆曰高亮
中含意最深

大同宣府羽書同莫道居庸設險功安得昔時白馬將
橫行早破黑山戎書生誤國空談裏祿食驚心旅病中
女直外連憂不細急將兵馬備遼東

沈辭立曰詞人掃
見爲鑑照見終古

曾爲轉餉趨榆塞尙憶悲秋淚滿衣沙白凍霜月皎皎
城孤哀笛雁飛飛運籌前後無功伐推轂分明有是非
西國壯丁輸輓盡近邊烟火至今稀

崑崙北極轉天河獨馬年時向此過渥洼西望迷龍種
突厥南侵牧橐駝黃花古驛風沙起白雪陰山金鼓多

況是固原新戰鬪，居人指點說干戈。
穆敬甫曰：諸作如雲屯高嶺，風涌飛

流
雪後朝天宮

馬上城中見雪山，白雲蒼霧滿燕關。
蓬萊咫尺無人到，松柏黃昏有鶴還。
當日翠華遊物外，百年金殿鎖人間。
浮塵擾擾江湖遠，悵望巖棲不可攀。
王近顏曰：蒼涼悽遠。

晚晴郊望

早時鳴雨晚細微，忽有返照來荆扉。
山禽水禽交並語，桃花梨花相逐飛。
村村柳條弱欲斷，家家麥苗青不稀。
睡起登樓時極目，出雲歸岫願何違。

空同詩鈔卷十四

三

繁臺春集

小徑緣臺春白花，重隄飛閣盡雲沙。
能將白髮隨流輩，柰有清壺遣歲華。
斷塔草垣增閒寂，古城芳岸趁欹斜。
忽驚旅雁思南北，海色邊愁入暮笳。

雪後上方寺集

雪罷園林出碧梧，上方樓殿靜虛無。
日臨曠地冰先落，雲破天塔自孤爛。
熅此堂人醉散，一雙何處鶴來呼。
邀留更待松門月，今夜同君坐玉壺。
盧玉巖曰：如椽直下。

歲暮

堂北融泥雲氣生，堂南枯樹兩禽鳴。
冰霜眼過風須轉

歲月心懸老自驚辭臘酒憐比舍餽迎春花欲上階明
壯圖迴首今遲暮點檢塵埃笑拂纓

錢茂南曰
宛轉明艷

蒔植甫畢風雪遽至漫爾有作

草樹新培置藥闌醉吟閒凭足心寬豈虞晨雪娟娟布
無那春枝颯颯寒猶有一花當坐媚幸留雙柏與人看
日晴紅綠應全勝爲勸先生且放餐

陶君誇其分司桃花獨樹予往觀之次其韻

老懶今來特爲花花奇親見主人誇入門風片時時墜
近酒春枝故故斜湖海一尊憐舊侶乾坤雙鬢愧年華
明朝許赴柴門約共醉東園萬樹霞

空同詩鈔卷十四

四

艮嶽篇

宋家行殿此山頭千載來人水一邱到眼黃蒿元玉砌
傷心錦纜有漁舟金繪社稷和戎日花石君臣棄國秋
漫倚南雲望南土古今龍戰是中州

錢茂南曰哀
艷直偏杜陵

潼關

咸東天險設重關閃日旌旗虎豹閒隘地黃河吞渭水
炎天白雪壓秦山舊京想像千官入餘恨逡巡六國還
滿眼非無棄襦者寄言軍吏莫嗔顏

出塞

黃河百草莽蕭蕭青海銀州殺氣遙關塞豈無秦日月

旌旗獨憶漢嫖姚往來飲馬時尋窟弓箭行人日在腰
晨發靈州更西望賀蘭千嶂果雲霄

馬默臨曰結
好力振唐音

南溪秋泛

乍見鷓鴣立釣磯還驚翡翠掠波飛汀葭晚宿濛濛霧
野竹晴含宛宛暉暉謝傅未忘舟楫興楚臣空戀芰荷衣
蒼茫木落雲泥靜悵望林翁却自歸

賢隱寺

在信陽州

谷寺鳴鐘午未深耽幽特與伴相尋行穿樹杪樓臺見
坐傍山腰紫翠沈獨響澗泉傳石竇並飛梁燕入松陰
徘徊自笑三江客佇望誰知萬里心

空同詩鈔卷十四

五

開先寺

讀書臺倚鶴鳴峰迴合千山翠萬重白晝懸泉喧霹靂
清秋雙劍削芙蓉撐持古寺還雲閣寂寞前朝自暮鐘
瑤草石壇應不死興來真欲跨飛龍

瀑壑晚坐

醉踏匡山晚未遲翠巖丹壑凜秋姿峰高瀑布天齊落
峽靜星河夜倒垂遠害欲尋麋鹿伴暫羈終與世人辭
磨崖徧剔蒼苔讀獨坐雲松有所思

調元曰頷聯
雄奇收之

五面石

貴溪

東華山北五面石削成五面何嶙峋崩崖鼠餐何代雪

陰洞苔滋千古春
映日閃閃上雲氣
步天渺渺昇仙真
草衣木食亦吾志
放浪胡爲羈此身

別龜峰

江上龜峰天下稀
挈朋貪賞夜忘歸
冠裳他日思丹壑
車馬平明發翠微
歸路竹蘿偏拂幘
出山雲氣故隨衣
杳然一笑憐踪跡
自不投簪願孰違

調元曰僕性愛山遊遇一句之後輒

不忍割

自新喻馬赴新淦方等寺晚飯

趨途暝雨已忽霽
入寺晚飯烏將棲
仲夏稻苗特裊裊
黃昏松柏何淒淒
流年遠村換物色
曠野清天悲鼓鼙

空同詩鈔卷十四

六

峩峩百丈屹在眼
策馬欲攀交虎蹄

舊注百丈山有范椈山房

快閣會眺

江上冥冥風浪生
閣中清眺會儒英
野舟冒險只自度
汀鳥避人時一鳴
四海登臨吾白髮
萬山迴合此孤城
劇談轉切憂時念
日暮浮雲況北征

麻姑山

冒險探深雲霧遊
麻姑山水冠南州
潭深自激風雷黑
谷迴誰羣鹿豕遊
仙女石壇殘欲沒
魯公碑板斷仍留
可憐踪跡俱塵土
兩瀑雲霄萬古流

晚過禹廟之臺

暮行羣過禹王宮，
瑟殿松林靜入風。
步競石梯秋獨健，
眼收沙海月還空。
聲名北上青驄客，
潦倒中原白髮翁。
杯酒重傷分手地，
古今踪跡本飛鴻。

宿少林次韻

萬山微暝一鐘鳴，
古寺深秋倦客情。
僧本折蘆翻面壁，
人非騎鶴故吹笙。
寒催亂木風交響，
白動虛巖月自生。
慚愧勞勞不成寐，
丁丁卧聽早樵聲。

盧備三日撫寫景光生動

爲崔後渠詠棗竹亭

崔家孤亭萬竹裏，
繞牕栗栗青琅玕。
結實當春鳳不餒，
託根有地龍且蟠。
霜風飄蕭起空谷，
美人翠袖生暮寒。
彼淇盈盈一水隔，
望而不見徒自歎。

空同詩鈔卷十四

七

別徐子禎卿得江字

我愛南州徐孺子，
明珪美璧世無雙。
新從北極看南極，
便自吳江下楚江。
日落鷓鴣啼廟口，
水清斑竹映船牕。
彌衡王粲俱黃土，
千載何人復此邦。

邵開宣曰結陡健

追舊寄徐子

憶昔逢君雪滿途，
遙憐爲客向江湖。
看碑定憶羊開府，
作賦先投楚大夫。
日黑魚龍應夢澤，
草青麋鹿上姑蘇。
空揮玉軫思流水，
不得驪騮見過都。

病間聞何舍人夢故山有感

我逢新歲兼新病君夢故園登故山木杪啼猿行問訊
枕邊流水莫潺湲深春古廟同誰往絕壁孤雲只自攀
悵悵無家傍林谷定應何處卜鄉關

解官親友攜酒來看

嚴城擊鼓天欲曙風起平林纖月長故人開尊且復飲
客子狂歌殊未央卧病一春違報主啼鶯千里伴還鄉
他時若訪漁樵地洛水秦山各淼茫

宗子相曰解官人多傲語憤語此則

婉而有法
高調厚言

寄徐子

徐子南遊涉洞庭楚江風浪眼冥冥竭來振玉朝天子

空同詩鈔卷十四

八

忽漫傳書與客星訪戴難移剡溪棹問奇曾過子雲亭
烟沙水國催春發楊柳愁邊却盡青

九日寄何舍人仲默

九日無朋花自開登樓獨酌當登臺孤城落木天邊下
萬里浮雲江上來但遣清尊常不負從教白髮暗相催
梁南楚北無消息塞雁風高首重回

冬霽宴邱翁林亭

竹亭高宴雪霜殘柏塢移尊月色寬馴鶴自知迎客舞
絕琴今擬向君彈醉來箕踞仍呼酒老去留賓不著冠
解道冥鴻能萬里肯輸烏鵲一枝安

宗子相曰以
真色爲豪

送張訓導棄官爲母

蜀道干戈暮角悲，水行溪壑轉春姿。
辭劉徐庶心先苦，迴馭王陽願不遲。
正月巴山猶碧樹，孤舟峽口已黃鸝。
并吞割據千年事，愁見岷峩有戰旗。

早春酬內弟

璣

騎馬衝泥到竹扉，孤城雪日弄輝輝。
將飛鴻雁春相聚，得食魚蝦暖自肥。
賈誼上書翻遠謫，桓榮稽古已多違。
亦知匡濟諸君事，勿羨東臯早拂衣。

喬太常宅夜別

竹梧池館夜偏寒，促席行杯漏未闌。
燕地雪霜連海嶠，

空同詩鈔卷十四

九

漢家鐘鼓動長安，吟猿見月移孤樹。
宿雁驚人起別灘，二十逢君同躍馬。
十年回首笑彈冠。

夜別王檢討

九思

露白秋城角夜哀，朔雲邊月滿燕臺。
仙人閣在銀河上，羸女簫從碧落來。
江葉自隨山葉舞，燭花偏傍菊花開。
風塵荏苒年華異，莫怪臨歧數酒杯。

發南浦贈人

大寒冰雨何紛紛，曉行日臨江吐雲。
得風舸舸故相逐，異港鳧鷖還自羣。
浦南蓼洲春欲動，岸西雪山晴未分。
與君接席向杳靄，吟坐傳杯侵暮曛。

自泰和南行羅通政舟送

開船日午君俄至，逆水開尊得並船。
貪數岸花盃不記，已衝江雨纜猶牽。
雲山楚越相逢地，劍珮京華始識年。
感昔願仍還省閣，顧今俱已淨風烟。

限韻贈黃子

禁垣春日紫烟重，子昔爲雲我作龍。
有酒每邀東省月，退朝曾對掖門松。
十年放逐同梁苑，中夜悲歌泣孝宗。
老體幸強黃犢健，柳吟花醉莫辭從。

王元美曰：此詩本從少陵却得青蓮。

長篇法本朝
七言翹楚也

繁臺次秦氏韻

空同詩鈔卷十四

十

一秋今到十賢堂，萬事傷心歎渺茫。
草綠梁臺猶殿閣，花殘宋苑只宮墻。
天南星宿元朝斗，崖北靈芝本向陽。
未老息棲終傍此，預愁人擬卧龍岡。

送毛監察還朝是時皇帝狩於楊河

楚生臨水送將歸，黎子當筵賦式微。
天下汝爲真御史，百年吾是舊漁磯。
沙寒白日蓬科轉，風起黃河木葉稀。
此去有書應力上，太平天子本垂衣。

宗子相曰：意甚懇篤，語特冠冕。

和見素林公詠懷

青天萬仞削芙蓉，憶踏匡廬第一峰。
哀壑暮雲埋虎豹，大江春暖變魚龍。
天池御筆親留碣，石室山僧獨扣鐘。

搔首昔曾霄漢上舊題應被紫苔封

閻曹二子發京姪木與之同舟而下有詩紀之予亦和此篇

共水同舟伴謫居海天春色靜涵虛蠻方故啓流官路
漢史終收痛哭書蜀徼山高常戴雪滇門池苦亦生魚
上林花樹年年在前席行看人禁廬

郭庶蕃曰
高岑佳境

奉寄遂庵相公

徵書北闕朝朝下不見東山起謝安黃閣兩朝心自赤
蒼生四海淚曾乾雲霄桃李猶門徑歲月絲綸只釣竿
舟楫願公長好在風江日夜有波瀾

空同詩鈔卷十四

十一

東莊謝臬司諸公攜酒見過

白日餘紅亂撲衣郊亭無事坐花飛何緣五柳嘶驄馬
忽有羣公到竹扉過眼物華春自暮賞心朋輩老應稀
亦知不是談元宅倘許頻來各醉歸

東莊藩司諸公見過

少年湖海老中原萬里誰期共一尊邂逅路岐須盡醉
向來離合敢重論桑麻事業陶公徑鳥雀人情翟氏門
懶散廢書瓜可種夜來時雨足吾園

錢茂南曰
結韻沖和

熊監察至自河西喜而有贈

當年五郡乘輅過此日千城攬轡游封事幾騰天北極

籌邊真歷地西頭崑崙壯壓胡塵斷弱水清翻漢月流
若使巡行皆汝輩遠夷那繫廟堂憂

丁卯小至

一冬爲客負簷暄至日彤雲客思繁迎氣柳梅渾欲動
再開桃李更何言飛沙霧竹催寒景落日鄉關切斷猿
獨上高臺眺雲物不堪清淚灑中原

己巳守歲

窮年豈辦椒花頌守歲真貪竹葉杯天下風塵難卽料
夜中星斗直須迴傷心蜀漢新戎馬觸目中原半草萊
飲罷空庭聊獨立五更春角動城哀

朱宁臣曰杜老
哀時叶音清迴

空同詩鈔卷十四

三

初度懷玉山有感

年今四十身千里生日登臨寓此中憂國未收南望淚
思家猶阻北來鴻寒冬白露峰巒隱車馬深山道路通
學海久傷青鬢改振衣真愧玉巖風

乙亥元夕憶舊柬邊子卧病不會

憶昔金錢並卜懽稱心燈火獨長安釭香欲散尚書省
環珮先歸太乙壇十載酒杯誼五夜九衢遊馬闕千官
蓬飛轉合今同此月滿梁園却自看

自注邊舊太常
故曰太乙壇

除夕寫懷呈毛使君

晝日淒淒風色嚴晚登雲閣漫開簾山河不逐年華改

天地空悲老鬢添，隨俗香燈消獨夜。近人星斗下虛簷，
微吟暗憶乘驄使。綵筆迎春幾自拈。

庚辰元日

今日何日陰霏霏，看之不見濡人衣。層冰滿眼祇突兀，
白日何處能光輝。單于祭馬春欲動，漢皇射蛟南未歸。
傳道揚州好花月，鳳簫應伴五雲飛。

調元曰思深語渾足參詩史之席

元夕

千年爛熳鰲山地，小小看燈忽二毛。兵後忍聞新樂曲，
月前真愧舊宮袍。南州樓閣烟花起，北極風雲嶂塞高。
悵望碧天聊獨立，夜闌車馬尚滔滔。

空同詩鈔卷十四

三

辛巳除夕遇立春

改元明月初開歷，除夕今年暗入春。天地漸分三極色，
行藏已半百年身。和烟浥浥梅應劇，滴露蕭蕭竹未勻。
喧歲不知宵遽曙，北雲何處望楓宸。

九月晦日西南陂再泛

水上冬初多白雲，沙間烟滿白鷗羣。經添雨雪湖非減，
刈盡蒹葭路轉分。當岸女墻晴倒出，傍船木葉醉偏聞。
迴途恐觸蛟龍鬣，莫遣鳴笳徹暮曛。

辛巳九日田子要東陂之遊雨弗克赴

今秋霖雨何連綿，佳日阻放東陂船。衰年實怯白頭浪，

朋游忍負黃花天城陰來往戲羣鷺寺門從橫鳴亂泉
閒看靜聽誰共汝浙瀝晚暝松林烟

章杜天曰道音亮節厥體渾合

、無事

無事日長春但眠水昏野暗風常顛繁葩亂蕊眼欲盡
乳燕啼鶯心自憐匣中幸猶有雙劍杖頭柰可無百錢
人生幾何忽已老激昂淚下如流泉

秋遲

秋遲月閨菊無花景短天昏日易斜山峻幾時殲虎豹
海枯他日見龍蛇行藏且付杯中物潦倒新添鏡裏華
盜賊關南今定否暮雲哀角起三巴

空同詩鈔卷十四

古

臺寺夏日

古臺高並鬱岩巖斷堦稜層鎖寂寥積雪洞門常慘慘
炎天松柏轉蕭蕭雲雷畫壁丹青壯神鬼虛堂世代遙
惆悵宋宮偏泯滅一靈哀怨不堪招

張浦山曰音振寰中神含象外當爲

空同七律之冠

于少保廟

朱仙遺廟已沾衣少保新宮淚復揮金匱山河丹券在
玉門天地翠華歸平城豈合留高祖秦相何緣怨岳飛
最怪白頭梁父老哭栽松柏漸成圍

、朱仙鎮

水廟飛沙白日陰古墩殘樹濁河深金脾痛哭班師地
鐵馬驅馳報主心入夜松杉雙鷺宿有時風雨一龍吟
經行墨客還詞賦南北淒涼自古今調元曰此最得杜法其妙處在疎疎則意境濶遠擺闔有神老杜三顧頻繁兩朝開濟之句括盡武侯一生行藏志業故先以碧草黃鸝憑弔說入此則疎之妙也

吹臺春日懷古

廢苑迢迢入草萊百年懷古一登臺天留李杜詩篇在
地歷金元戰陣來流水浸城隋柳盡行宮爲寺泫花開
白頭吟望黃鸝暮瓠子歌殘無限哀

靈武臺

空同詩鈔卷十四

五

環縣城邊靈武臺肅宗曾此辟蒿萊二儀高下皇輿建
三極西南玉璽來衣白山人經國計朔方孤將出羣才
可憐一代風雲際不勸君王駕鶴廻

秋望

集中偶佚其題明詩綜載秋望二字今從之

黃河水遶漢宮牆河上秋風雁幾行客子過壕追野馬
將軍發箭射天狼黃塵古渡迷飛輓白月橫空冷戰場
聞道朔方多勇畧只今誰是郭汾陽王元美曰雄渾流麗

還扶溝

霜落扶溝雨暮秋遠人翻作故園遊天低曠野沙扶樹
月澗高城水近樓千里關河今一到百年桑梓竟何求

書堂銀燭親朋酒車馬何妨數日留調元曰情款景色俱佳第三句扶字

疑傳誤

空同詩鈔卷十四

去

空同詩鈔卷十四終

七世孫斌暨男辛耀刊

